

〔汉〕司马迁撰 韩兆琦评注

史記

二



岳麓書社

史記

〔汉〕司马迁撰 韩兆琦评注

二



岳麓書社

楚世家第十

楚之先祖出自帝颛顼高阳^①。高阳者，黄帝之孙，昌意之子也。高阳生称，称生卷章，卷章生重黎^②。重黎为帝喾高辛居火正，甚有功，能光融天下，帝喾命曰祝融^③。共工氏作乱，帝喾使重黎诛之而不尽。帝乃以庚寅日诛重黎，而以其弟吴回为重黎后，复居火正，为祝融^④。

吴回生陆终。陆终生子六人，坼剖而产焉^⑤。其长一曰昆吾；二曰参胡；三曰彭祖；四曰会人；五曰曹姓；六曰季连，半姓，楚其后也^⑥。昆吾氏，夏之时尝为侯伯，桀之时汤灭之。彭祖氏，殷之时尝为侯伯，殷之末世灭彭祖氏。季连生附沮，附沮生穴熊。其后中微，或在中国，或在蛮夷，弗能纪其世。

（以上为第一段，写楚先世来历，以及在西周前的发展状况。）

①楚之先祖出自帝颛顼高阳——颛顼(zhuānxū)高阳：五帝之一，名颛顼，号高阳氏，居于帝丘，故城在今河南濮阳县境内。参见《五帝本纪》。②卷章生重黎——传说中重、黎有分为两人与合为一入两种说法，我们赞同重和黎是两个人的意见。③帝喾(kù)高辛——五帝之一，名喾，号高辛氏，居于亳，故城在今河南偃师县。参见《五帝本纪》。火正——古官名，职掌祭祀和观察火星，行火政。祝融——火官的封号。祝，大。融，明。④共工氏——神话传说中的人物，炎帝后裔，亦名康回，颛顼世衰，共工欲霸九州，因而作乱，怒触不周之山，天柱折，地维绝。（《淮南子·天文训》）一说为古代水官名，因以为氏。⑤坼(chè)剖而产——剖开腹部而生。坼：裂开，分裂。⑥季连——

半姓，楚之始祖。陆终六子之说本自《帝系》，其实皆古族传说。

周文王之时，季连之苗裔曰鬻熊。鬻熊子事文王，蚤卒。其子曰熊丽。熊丽生熊狂，熊狂生熊绎。熊绎当周成王之时，文、武勤劳之后嗣，而封熊绎于楚蛮，封以子男之田，姓半氏，居丹阳^①。楚子熊绎与鲁公伯禽、卫康叔子牟、晋侯燮、齐太公子吕伋俱事成王。

熊绎生熊艾，熊艾生熊黜，熊黜生熊胜。熊胜以弟熊杨为后。熊杨生熊渠。

熊渠生子三年。当周夷王之时，王室微，诸侯或不朝，相伐。熊渠甚得江汉间民和，乃兴兵伐庸、杨粤，至于鄂^②。熊渠曰：“我蛮夷也，不与中国之号谥^③。”乃立其长子康为句亶王，中子红为鄂王，少子执疵为越章王，皆在江上楚蛮之地。及周厉王之时，暴虐，熊渠畏其伐楚，亦去其王。

后为熊毋康，毋康蚤死。熊渠卒，子熊挚红立。挚红卒，其弟弒而代立，曰熊延。熊延生熊勇。

熊勇六年，而周人作乱，攻厉王，厉王出奔彘。熊勇十年，卒，弟熊严为后。

熊严十年，卒。有子四人，长子伯霜，中子仲雪，次子叔堪，少子季徇。熊严卒，长子伯霜代立，是为熊霜。

熊霜元年，周宣王初立。熊霜六年，卒，三弟争立。仲雪死；叔堪亡，避难于濮^④；而少弟季徇立，是为熊徇。熊徇十六年，郑桓公初封于郑。二十二年，熊徇卒，子熊罥立。熊罥九年，卒，子熊仪立，是为若敖。

若敖二十年，周幽王为犬戎所弒，周东徙，而秦襄公始列为诸侯。

二十七年，若敖卒，子熊坎立，是为霄敖。霄敖六年，卒，子熊陶立，是为蚡冒。蚡冒十三年，晋始乱，以曲沃之故。蚡冒十七年，卒。蚡冒弟熊通弒蚡冒子而代立，是为楚武王。

（以上为第二段，写楚在西周时期的发展情况。）

①文、武勤劳之后嗣——即帮助周文王、周武王伐灭商朝的功臣的后代。

楚蛮——泛指南方蛮荒之地。居丹阳——丹阳：故城在今河南淅川县。一

说其邑在湖北秭归县东。②熊渠甚得江汉间民和——江汉：长江、汉水。兴兵伐庸、杨粤，至于鄂——庸：在今湖北竹山县东南。鄂：在今湖北鄂州市一带。杨粤：同“扬越”，指当时荆州境内的越族人。浙江一带古亦称“扬粤”。一说此鄂当是楚西鄂，在今河南邓县，非今湖北鄂州之东鄂。杨粤，即西越，在今陕南、豫西南一带。③不与中国之号谥——与：沿用。④濮——古代部族名，又称百濮，居住在今湖北西南部和湖南西北部。

武王十七年，晋之曲沃庄伯弑主国晋孝侯。十九年，郑伯弟段作乱。二十一年，郑侵天子之田。二十三年，卫弑其君桓公。二十九年，鲁弑其君隐公。三十一年，宋太宰华督弑其君殇公。

三十五年，楚伐随。随曰：“我无罪。”楚曰：“我蛮夷也。今诸侯皆为叛相侵，或相杀。我有敝甲，欲以观中国之政，请王室尊吾号。”随人为之周，请尊楚，王室不听，还报楚。三十七年，楚熊通怒曰：“吾先鬻熊，文王之师也，蚤终。成王举我先公，乃以子男田令居楚，蛮夷皆率服，而王不加位，我自尊耳。”乃自立为武王，与随人盟而去。于是始开濮地而有之。

五十一年，周召随侯，数以立楚为王。楚怒，以随背己，伐随。武王卒师中而兵罢。子文王熊贲立，始都郢^①。

文王二年，伐申过邓，邓人曰“楚王易取”，邓侯不许也。六年，伐蔡，虜蔡哀侯以归，已而释之。楚强，陵江汉间小国^②，小国皆畏之。十一年，齐桓公始霸，楚亦始大。

十二年，伐邓，灭之。十三年，卒，子熊艰立，是为庄敖。庄敖五年，欲杀其弟熊恽，恽奔随，与随袭弑庄敖代立，是为成王。

（以上为第四段，写楚武王至成王间的史事。至成王初立时楚已是南方大国了。）

①文王熊贲立，始都郢——梁玉绳认为：居郢并不始于武王，疑是楚数世经营，至武文始定。郢：故城在今湖北江陵北纪南城。②陵江汉间小国——陵：通“凌”。江汉间小国：指长江、汉水流域的随、绞、州、蓼、夔、罗等国。

成王恽元年，初即位，布德施惠，结旧好于诸侯。使人献天子，天子赐胙^①，曰：“镇尔南方夷越之乱，无侵中国。”于是楚地千里。

十六年，齐桓公以兵侵楚，至陉山^②。楚成王使将军屈完以兵御之，与桓公盟。桓公数以周之赋不入王室，楚许之，乃去。

十八年，成王以兵北伐许，许君肉袒谢，乃释之。二十二年，伐黄^③。二十六年，灭莒^④。

三十三年，宋襄公欲为盟会，召楚。楚王怒曰：“召我，我将好往，袭辱之。”遂行，至孟，遂执辱宋公，已而归之。三十四年，郑文公南朝楚。楚成王北伐宋，败之泓，射伤宋襄公，襄公遂病创死。

三十五年，晋公子重耳过楚，成王以诸侯客礼飨，而厚送之于秦。

三十九年，鲁僖公来请兵以伐齐，楚使申侯将兵伐齐，取谷，置齐桓公子雍焉^⑤。齐桓公七子皆奔楚，楚尽以为上大夫。灭夔，夔不祀祝融、鬻熊故也^⑥。

夏，伐宋，宋告急于晋，晋救宋，成王罢归。将军子玉请战，成王曰：“重耳亡居外久，卒得反国，天之所开，不可当。”子玉固请，乃与少师而去^⑦。晋果败子玉于城濮。成王怒，诛子玉。

四十六年，初，成王将以商臣为太子，语令尹子上。子上曰：“君之齿未也，而又多内宠，绌乃乱也^⑧。楚国之举常在少者。且商臣蜂目而豺声，忍人也，不可立也^⑨。”王不听，立之。后又欲立子职而绌太子商臣。商臣闻而未审也，告其傅潘崇曰：“何以得其实？”崇曰：“飨王之宠姬江半而勿敬也。”商臣从之。江半怒曰：“宜乎王之欲杀若而立职也。”商臣告潘崇曰：“信矣。”崇曰：“能事之乎^⑩？”曰：“不能。”“能亡去乎？”曰：“不能。”“能行大事乎^⑪？”曰：“能。”冬十月，商臣以宫卫兵围成王。成王请食熊蹯而死，不听^⑫。丁未，成王自绞杀。商臣代立，是为穆王。

穆王立，以其太子宫子潘崇，使为太师，掌国事。穆王三年，灭江^⑬。四年，灭六、蓼。六、蓼，皋陶之后^⑭。八年，伐陈。十二年，卒。子庄王伋立。

（以上为第五段，写楚国在成王时期的争霸活动。）

①成王恽元年——前671。 献天子——向周天子进贡。 赐胙——周天子向楚赐文武胙，即祭祀文王、武王的胙肉，这是一种对霸者的殊礼。 ②齐桓公以兵侵楚，至陉山——齐桓公伐蔡，遂伐楚。陉山：古邑名，楚地，在今河南郟城东南。详见《齐世家》。 ③黄——古国名，嬴姓，在河南潢川县西北，伐

黄之役，《左传》《年表》均在二十三年，二十四年灭之。④英——古国名，在安徽英山县。灭英：此乃是灭黄之误，原属二十四年事，错书于二十六年。

⑤取谷，置齐桓公子雍焉——谷：在今山东省东阿县旧治东阿镇。置：放置，指把公子雍送回国并立他为君。雍：齐桓公之子，与其兄争位被赶出。⑥灭夔，夔不祀祝融、鬻熊故也——夔：古国名，楚熊挚之后，在湖北秭归县东。⑦与之少师——只给他少量军队，即西广、东宫及若敖之六卒。⑧君之齿未也——君王您年岁还未老。蚩乃乱也——废黜太子将会惹出乱子。蚩：通“黜”，废弃，贬退。⑨楚国之举，常在少者——举：指立太子。蜂目而豺声——蜜蜂一样突出的眼睛，豺狼一样的声音。忍人——残忍的人。⑩能事之乎——能作事的臣子侍奉他么？⑪能行大事乎——能发动大事吗？暗示弑成王夺位。⑫成王请食熊蹯而死——熊蹯：熊掌。杜预曰：“熊掌难熟，冀久将有外教之也。”⑬穆王三年——前623。江——古诸侯国名，今河南信阳市罗山县有江国故城。⑭六——古诸侯国名，故城在今安徽六安北。蓼——古诸侯国名，故城在今河南固始东。皋陶(yáo)——传说中东夷的首领，曾被舜任命为掌刑法之官，后被禹选为继承人，因早死，未继位。

庄王即位三年，不出号令^①，日夜为乐，令国中曰：“有敢谏者死无赦！”伍举入谏。庄王左抱郑姬，右抱越女，坐钟鼓之间。伍举曰：“愿有进。”隐曰^②：“有鸟在于阜，三年不蜚不鸣，是何鸟也？”庄王曰：“三年不蜚，蜚将冲天；三年不鸣，鸣将惊人^③。举退矣，吾知之矣。”居数月，淫益甚。大夫苏从乃入谏。王曰：“若不闻令乎？”对曰：“杀身以明君，臣之愿也^④。”于是乃罢淫乐，听政，所诛者数百人，所进者数百人，任伍举、苏从以政，国人大说。是岁灭庸^⑤。六年，伐宋，获五百乘。

八年，伐陆浑戎，遂至洛，观兵于周郊。周定王使王孙满劳楚王。楚王问鼎小大轻重，对曰：“在德不在鼎。”庄王曰：“子无阻九鼎！楚国折钩之喙，足以为九鼎^⑥。”王孙满曰：“呜呼！君王其忘之乎？昔虞夏之盛，远方皆至，贡金九牧，铸鼎象物，百物而为之备，使民知神奸^⑦。桀有乱德，鼎迁于殷，载祀六百^⑧。殷纣暴虐，鼎迁于周。德之休明，虽小必重；其奸回昏乱，虽大必轻。昔成王定鼎于郊廓，卜世三十，卜年七百，天所命也^⑨。周德虽衰，天命未改。鼎之轻重，未可问也。”楚王乃归。

九年，相若敖氏^⑩。人或谗之王，恐诛，反攻王，王击灭若敖氏之族。十三年，灭舒^⑪。

十六年，伐陈，杀夏征舒。征舒弑其君，故诛之也。已破陈，即县之。群臣皆贺，申叔时使齐来，不贺。王问，对曰：“鄙语曰，牵牛径人田，田主取其牛。径者则不直矣，取之牛不亦甚乎？且王以陈之乱而率诸侯伐之，以义伐之而贪其县，亦何以复令于天下！”庄王乃复国陈后^⑫。

十七年春，楚庄王围郑，三月克之。入自皇门，郑伯肉袒牵羊以逆，曰：“孤不天，不能事君，君用怀怒，以及敝邑，孤之罪也^⑬。敢不惟命是听！宾之南海，若以臣妾赐诸侯，亦惟命是听^⑭。若君不忘厉、宣、桓、武，不绝其社稷，使改事君，孤之愿也，非所敢望也^⑮。敢布腹心。”楚群臣曰：“王勿许。”庄王曰：“其君能下人，必能信用其民，庸可绝乎！”庄王自手旗，左右麾军，引兵去三十里而舍，遂许之平^⑯。潘尪入盟，子良出质^⑰。夏六月，晋救郑，与楚战，大败晋师河上，遂至衡雍而归^⑱。

二十年，围宋，以杀楚使也。围宋五月，城中食尽，易子而食，析骨而炊。宋华元出告以情。庄王曰：“君子哉！”遂罢兵去。

二十三年，庄王卒，子共王审立。

共王十六年，晋伐郑。郑告急，共王救郑。与晋兵战鄢陵，晋败楚，射中共王目。共王召将军子反。子反嗜酒，从者竖阳谷进酒醉^⑲。王怒，射杀子反，遂罢兵归。

三十一年，共王卒，子康王招立。康王立十五年卒，子员立，是为郑敖。

（以上为第六段，写楚庄王称霸的过程与其霸业。其霸业在共王时由于鄢陵之战失败而丧失。）

①三年不出号令——这是史公传奇的说法。庄王二年，曾乘驹会师而灭庸。②伍举曰愿有进，隐曰——伍举：封在椒邑，又名椒举。隐：隐辞，谜语。

③有鸟在于阜——阜：土山。三年不蜚不鸣——蜚：同“飞”。按：此事又见于《滑稽列传》，谓淳于髡说齐威王。司马迁盖取自传说，传说又有异文。

④杀身以明君——自己死了而能使国君醒悟。明，使动用法。《韩非子》等先秦文献无苏从进谏事。苏从：楚大夫，周司寇苏忿生之后。⑤是岁灭庸——



是岁，楚庄王三年，当周匡王二年，鲁文公十六年，前611。⑥子无阻九鼎——你不要依恃九鼎。阻：依仗、凭恃。折钩之喙，足以为九鼎——钩之喙：兵器戟的尖端。九鼎：相传为禹所铸，为三代传国之宝。⑦贡金九牧——九州的首领皆贡献青铜。牧：统治一方的最高首领。铸鼎象物——铸成宝鼎，画上物形。神奸——天神与鬼怪。⑧载祀六百——可以享国六百年。载：发语词。祀：年。⑨卜世三十，卜年七百——王孙满乃周大夫，不可能自云国家灭亡的时间，类似的话显然是后人编造的。此事见宣公三年《左传》。

郟（jiá）——地名，在今河南洛阳市西。周公旦为周成王所筑之都城。

⑩相若敫氏——若敫氏：楚王族旁枝，常为执政大臣。⑪舒——古国名，故城在今安徽舒城。⑫申叔时——申公之后，世居于申（今河南南阳北），庄王、共王的大臣。鄙语曰，牵牛径人田——鄙语：俗语。径人田：践踏别人的农田。径：走捷径。复国陈后——重新立陈太子为国君。国：用为动词。

⑬孤不夭——我不被上天所佑。君用怀怒——用：因，以。⑭宾之南海——宾：同“摈”，摈弃、流放。若以臣妾赐诸侯——或者作为奴仆赏赐给其他诸侯。意即灭亡郑国。若：或者。⑮若君不忘厉、宣、桓、武——意即看在郑国祖先及贤君面上。厉：周厉王。宣：周宣王。桓：郑桓公。武：郑武公。郑始祖桓公友，乃周厉王少子，周宣王庶弟，为宣王所封。桓公之子为郑武公。

⑯庄王自手旗，左右魔军引兵去——手：用为动词，手举。魔：通“挥”，指挥。引兵去三十里而舍——退兵三十里驻扎下来，这是尊重郑国的表现，表示不与郑结城下之盟。舍：驻扎。平：讲和。⑰潘尫入盟，子良出质——潘尫（wāng）：楚大夫。子良：郑伯之弟。⑱大败晋师河上——此即为春秋时著名的邲之战。邲故城在今郑州市圃田乡古城村、东周村一带。衡庸——在今河南原阳西。⑲从者豎阳谷进酒醉——豎阳谷是出于阿谀巴结，投其所好，还是被晋人收买，故意将其灌醉，其中大有文章。

康王宠弟公子围、子比、子皙、弃疾。郑敖三年，以其季父康王弟公子围为令尹，主兵事。四年，围使郑，道闻王疾而还。十二月己酉，围入问王疾，绞而弑之，遂杀其子莫及平夏^①。使使赴于郑。伍举问曰：“谁为后^②？”对曰：“寡大夫围。”伍举更曰：“共王之子围为长^③。”子比奔晋，而围立，是为灵王。

灵王三年六月，楚使使告晋，欲会诸侯。诸侯皆会楚于申^④。伍举曰：“昔夏启有钧台之飧^⑤，商汤有景亳之命^⑥，周武王有盟津之誓^⑦，成王有岐阳之蒐^⑧，康王有丰宫之朝^⑨，穆王有塗山之会^⑩，齐

桓有召陵之师^①，晋文有践土之盟^②，君其何用？”灵王曰：“用桓公^③。”时郑子产在焉^④。于是晋、宋、鲁、卫不往。灵王已盟，有骄色。伍举曰：“桀为有仍之会，有缙叛之^⑤。纣为黎山之会，东夷叛之^⑥。幽王为太室之盟，戎、翟叛之^⑦。君其慎终^⑧！”

七月，楚以诸侯兵伐吴，围朱方^⑨。八月，克之，囚庆封，灭其族。以封佒，曰：“无效齐庆封弑其君而弱其孤，以盟诸大夫^⑩！”封反曰：“莫如楚共王庶子围弑其君兄之子员而代之立^⑪！”于是灵王使弃疾杀之^⑫。

七年，就章华台，下令内亡人实之^⑬。

八年，使公子弃疾将兵灭陈。十年，召蔡侯，醉而杀之。使弃疾定蔡，因为陈蔡公^⑭。

十一年，伐徐以恐吴^⑮。灵王次于乾溪以待之^⑯。王曰：“齐、晋、鲁、卫，其封皆受宝器，我独不。今吾使使周求鼎以为分，其予我乎^⑰？”析父对曰^⑱：“其予君王哉！昔我先王熊绎，辟在荆山，芘露蓝蒨以处草莽，跋涉山林以事天子^⑲，唯是桃弧棘矢以共王事^⑳。齐，王舅也；晋及鲁、卫，王母弟也^㉑；楚是以无分而彼皆有。周今与四国服事君王，将惟命是从，岂敢爱鼎？”灵王曰：“昔我皇祖伯父昆吾旧许是宅，今郑人贪其田，不我予，今我求之，其予我乎^㉒？”对曰：“周不爱鼎，郑安敢爱田？”灵王曰：“昔诸侯远我而畏晋，今吾大城陈、蔡、不羹，赋皆千乘，诸侯畏我乎^㉓？”对曰：“畏哉！”灵王喜曰：“析父善言古事焉^㉔。”

十二年春，楚灵王乐乾溪，不能去也。国人苦役。初，灵王会兵于申，僂越大夫常寿过，杀蔡大夫观起。起子从亡在吴，乃劝吴王伐楚，为间越大夫常寿过而作乱，为吴间^⑳。使矫公子弃疾命召公子比于晋，至蔡，与吴、越兵欲袭蔡。令公子比见弃疾，与盟于邓。遂入杀灵王太子禄，立子比为王，公子子皙为令尹，弃疾为司马。先除王宫^㉑，观从从师于乾溪，令楚众曰：“国有王矣。先归，复爵邑田室。后者迁之。”楚众皆溃，去灵王而归。

灵王闻太子禄之死也，自投车下^㉒，而曰：“人之爱子亦如是乎？”侍者曰：“甚是。”王曰：“余杀人之子多矣，能无及此乎？”右尹



曰：“请待于郊以听国人。”王曰：“众怒不可犯。”曰：“且入大县而乞师于诸侯。”王曰：“皆叛矣。”又曰：“且奔诸侯以听大国之虑。”王曰：“大福不再，只取辱耳。”于是王乘舟将欲入鄢^②。右尹度王不用其计，惧俱死，亦去王亡。

灵王于是独傍隍山中，野人莫敢入王。王行遇其故铜人^③，谓曰：“为我求食，我已不食三日矣。”铜人曰：“新王下法，有敢饷王从王者，罪及三族，且又无所得食。”王因枕其股而卧。铜人又以土自代，逃去。王觉而弗见，遂饥弗能起。芋尹申无宇之子申亥曰：“吾父再犯王命，王弗诛，恩孰大焉^④！”乃求王，遇王饥于鼈泽，奉之以归。夏五月癸丑，王死申亥家，申亥以二女从死，并葬之^⑤。

是时楚国虽已立比为王，畏灵王复来，又不闻灵王死，故观从谓初王比曰^⑥：“不杀弃疾，虽得国犹受祸。”王曰：“余不忍。”从曰：“人将忍王。”王不听，乃去。弃疾归^⑦。国人每夜惊，曰：“灵王入矣！”乙卯夜，弃疾使船人从江上走呼曰：“灵王至矣！”国人愈惊。又使曼成然告初王比及令尹子皙曰：“王至矣！国人将杀君，司马将至矣！君蚤自图，无取辱焉。众怒如水火，不可救也。”初王及子皙遂自杀。丙辰，弃疾即位为王，改名熊居，是为平王。

（以上为第七段，写楚灵王篡位，以及他所进行的争霸活动。由于他的暴政，公子弃疾作乱夺取了政权。）

①绞而弑之——据《左传》，用冠缨绞杀，并葬王于郟，谓之郟教。

②赴——同“讣”，告丧。 谁为后——谁为继位者。 ③伍举更曰“共王之子圉为长”——伍举改讣词“寡大夫圉”为“共王之子圉为长”，使圉之继位合于宗法，而非篡弑。 ④诸侯皆会楚于申——杜预曰：“楚灵王始合诸侯也。”梁玉绳曰：“申，楚地，《表》云‘合诸侯于宋地’，误。” ⑤夏启有钧台之飧——夏启：禹的儿子。钧台：即夏台，在今河南禹县南。飧：以隆重的礼仪宴请宾客。

⑥商汤有景亳之命——商汤：商朝的开国君主。景亳：汤王会盟诸侯处，在今河南商丘北五十里。 ⑦周武王有盟津之誓——盟津：即孟津。古黄河渡口，故址在今河南孟津县东。誓：誓师典礼。

⑧成王有岐阳之蒐——岐阳：陕西岐山之南，在今陕西岐山县东北一带。蒐：检阅军队。 ⑨康王有丰宫之朝——康王：周康王，名钊，在位时继承父亲成王的政策，加强了统治，史称“成康之治”，见《周本纪》。丰：文王所建邑，在今陕西西安市西南泔水以西，与镐隔水

相望。⑩穆王有塗山之会——穆王：周穆王，名满，曾西击犬戎，东伐徐戎。塗山：在今安徽怀远东南。⑪齐桓有召陵之师——召（shào）陵：楚邑名，故城在今河南偃师东。齐桓公率领诸侯军队打败蔡国后，在召陵胁迫楚国接受盟约。⑫晋文有践土之盟——践土：郑地名，在今河南原阳西南。晋文公城濮之战后与诸侯在这里会盟，确立霸权，成为霸主。⑬用桓公——用齐桓公召陵之盟的礼仪会诸侯于中。⑭郑子产在焉——据《左传》，灵王会诸侯的礼仪是子产帮助制定的。子产：即郑大夫公孙侨，春秋后期著名的政治家。⑮桀为有仍之会，有缙叛之——有仍：古国名，在今山东济宁县。有缙：古国名，在今山东金乡县南。有仍、有缙之“有”字均为词头。⑯紂为黎山之会，东夷叛之——黎山：东夷国名，在今山东鄆城西。东夷：泛指东方各部族。⑰幽王为太室之盟，戎、翟叛之——太室：即中岳嵩山。戎、翟：泛指西北地区各部族。

⑱君其慎终——慎终：事情一开始就考虑后果，表示谨慎从事。⑲朱方——在江苏丹徒县东南。⑳无效齐庆封弑其君而弱其孤以盟诸大夫——庆封：字子家，齐大夫，齐庄公六年（前548）党同崔杼弑齐君，立景公。景公二年，庆封趁崔氏内乱，攻灭崔氏，于是当国。次年（前545），以好猎嗜酒，令其子庆舍为政。庆氏内乱，鲍、陈、栾、高四族合谋攻庆氏，庆封遂奔鲁，后奔吴，吴与之朱方，他在此聚族而居。循：当众展示。弱：欺压，挟制。孤：指幼年继位的齐景公。盟诸大夫：指庆封、崔杼强迫齐大夫定盟，支持他们控制齐国政权。

㉑莫如楚共王庶子围弑其君兄之子员而代之立——楚共王以弑君责庆丰，庆丰以揭楚共王弑君篡位的老底，故《谷梁传》曰：“军人粲然皆笑。”㉒使弃疾杀之——《左传》作“使速杀之”，钱大昕认为此处“疾”作“速”解，“弃”字是衍文。

㉓七年——当周景王十一年，鲁昭公八年，前534。内亡人实之——章华台：楚行宫，在湖北监利县西北。内亡人：内，通“纳”，收容。亡人，逃亡在外的人，流浪汉。㉔因为陈蔡公——按：弃疾只是蔡公，没作过陈公，当时陈公是空封戍。㉕伐徐以恐吴——徐是吴的与国，故伐之。徐：古国名，在今江苏泗洪南。㉖灵王次于乾溪以待之——《左传》曰：“楚子次于乾溪以为之援。”乾溪：在今安徽亳县东南。㉗今吾使使周求鼎以为分，其予我乎——意即欲求周鼎以为分器。以为分：作为分器。分，指分器，古代帝王分赐诸侯世代保存的宗庙宝器。㉘析父——楚大夫。㉙革露蓝蒹——驾着打柴的车，穿着破衣。革露：柴车。蓝蒹：破衣服。跋涉山林——服虔曰：“革行曰跋，水行曰涉。”㉚唯是桃弧棘矢以共王事——桃弧：桃木做的弓。棘矢：棘木做的箭。共：通“供”。㉛齐，王舅也——齐丁公子吕伋为成王之舅。齐与周通婚，为甥舅之国。晋及鲁卫，王母弟也——晋唐叔虞是成王之弟；鲁周公、卫康叔都

是武王之弟。⑳昔我皇祖伯父昆吾旧许是宅——昆吾是陆终氏之长子，楚始祖季连之兄，故灵王称伯父。旧许是宅：昆吾始居许地。㉑昔诸侯远我而畏晋——龟井昱曰：“远我，以我为僻远也。”大城陈、蔡、不羹——大城：扩建加固城池。陈：指原陈故都宛丘，故城在今河南新蔡县。不羹(láng)：分两城。东不羹故城在今河南许昌市鄆城县章化乡前、后古城村。西不羹故城在今河南襄城西南范湖乡尧城宋村西。赋皆千乘——赋：军队。古代按田赋出兵士，所以称军队为赋。㉒析父善言古事焉——《正义》曰：“此对王言是子革之辞，太史公云析父，误也。析父时为王仆，见子革对，故叹也。”泷川曰：“以上本昭十二年《左传》，而误以子革为析父，又删去析父规子革语，谓王喜析父善言古事，讹谬亦甚。”㉓为间越大夫常寿过而作乱——间：挑拨。泷川曰：“‘为’字疑衍。《左传》‘间’作‘启’。启，开也，导也。‘间’疑‘开’之讹。”为吴间——间：间谍。㉔先除王宫——先清除王宫。即逐杀王宫旧人。㉕自投车下——龟井昱曰：“自投于车下，颠坠而不自觉也。”投：跌倒。㉖郢——楚别都，即今湖北宜城县。㉗涓人——秦汉时称中涓，贴身内侍。据《国语》，灵王所遇故涓人名畴。㉘再犯王命——两次犯王法。即《左传》昭公七年所记楚灵王为令尹时为王旌以田，芋尹断其旌；灵王继位后为章华之台，芋尹闯入抓捕逃犯之事。芋尹：芋邑大夫。申无宇：楚大夫。㉙王死申亥家——《左传》载，灵王自缢于申亥家。㉚初王比——此时公子比自立为王，因后来弃疾又设计趁乱夺位，终为楚王，故此处称公子比为初王。中井积德曰：“比无谥，故以初王称之。”㉛弃疾归——中井积德曰：“‘弃疾归’三字无所属，疑衍文。”

平王以诈弑两王而自立，恐国人及诸侯叛之，乃施惠百姓。复陈蔡之地而立其后如故，归郑之侵地。存恤国中，修政教。吴以楚乱故，获五率以归^①。平王谓观从：“恣尔所欲。”欲为卜尹，王许之^②。

初，共王有宠子五人，无適立，乃望祭群神，请神决之，使主社稷，而阴与巴姬埋璧于室内，召五公子斋而入^③。康王跨之，灵王肘加之，子比、子皙皆远之^④。平王幼，抱其上而拜，压纽^⑤。故康王以长立，至其子失之；围为灵王，及身而弑；子比为王十馀日，子皙不得立，又俱诛。四子皆绝无后。唯独弃疾后立，为平王，竟续楚祀，如其神符。

初，子比自晋归，韩宣子问叔向曰：“子比其济乎？”对曰：“不就^⑥。”宣子曰：“同恶相求，如市贾焉，何为不就^⑦？”对曰：“无与同

好，谁与同恶^⑧？取国有五难：有宠无人，一也；有人无主，二也；有主无谋，三也；有谋而无民，四也；有民而无德，五也。子比在晋十三年矣，晋、楚之从不闻通者，可谓无人矣^⑨；族尽亲叛，可谓无主矣；无衅而动，可谓无谋矣^⑩；为羈终世，可谓无民矣^⑪；亡无爱征，可谓无德矣^⑫。王虐而不忌^⑬，子比涉五难以弑君，谁能济之！有楚国者，其弃疾乎？君陈、蔡，方城外属焉^⑭。苛慝不作，盗贼伏隐，私欲不违，民无怨心^⑮。先神命之，国民信之^⑯。半姓有乱，必季实立，楚之常也^⑰。子比之官，则右尹也^⑱；数其贵宠，则庶子也；以神所命，则又远之；民无怀焉，将何以立？”宣子曰：“齐桓、晋文不亦是乎^⑲？”对曰：“齐桓，卫姬之子也，有宠于釐公。有鲍叔牙、宾须无、隰朋以为辅，有莒、卫以为外主，有高、国以为内主。从善如流，施惠不倦。有国，不亦宜乎？昔我文公，狐季姬之子也，有宠于献公。好学不倦。生十七年，有士五人，有先大夫子馀、子犯以为腹心，有魏犇、贾佗以为股肱，有齐、宋、秦、楚以为外主，有栾、郤、狐、先以为内主。亡十九年，守志弥笃。惠、怀弃民，民从而与之。故文公有国，不亦宜乎？子比无施于民，无援于外，去晋，晋不送；归楚，楚不迎。何以有国！子比果不终焉，卒立者弃疾，如叔向言也。”

平王二年，使费无忌如秦为太子建取妇。妇好，来，未至，无忌先归，说平王曰：“秦女好，可自娶，为太子更求。”平王听之，卒自娶秦女，生熊珍。更为太子娶。是时伍奢为太子太傅，无忌为少傅。无忌无宠于太子，常谗恶太子建。建时年十五矣，其母蔡女也，无宠于王，王稍益疏外建也。

六年，使太子建居城父，守边^⑳。无忌又日夜谗太子建于王曰：“自无忌入秦女，太子怨，亦不能无望于王，王少自备焉。且太子居城父，擅兵，外交诸侯，且欲入矣。”平王召其傅伍奢责之。伍奢知无忌谗，乃曰：“王奈何以小臣疏骨肉？”无忌曰：“今不制，后悔也。”于是王遂囚伍奢。乃令司马奋扬召太子建，欲诛之。太子闻之，亡奔宋。

无忌曰：“伍奢有二子，不杀者为楚国患。盖以免其父召之，必至。”于是王使使谓奢：“能致二子则生，不能将死。”奢曰：“尚至，胥



不至^④。”王曰：“何也？”奢曰：“尚之为人，廉，死节，慈孝而仁，闻召而免父，必至，不顾其死。胥之为人，智而好谋，勇而矜功，知来必死，必不来。然为楚国忧者必此子。”于是王使人召之，曰：“来，吾免尔父。”伍尚谓伍胥曰：“闻父免而莫奔，不孝也；父戮莫报，无谋也；度能任事，知也^⑤。子其行矣，我其归死。”伍尚遂归。伍胥弯弓属矢，出见使者，曰：“父有罪，何以召其子为？”将射，使者还走，遂出奔吴。伍奢闻之，曰：“胥亡，楚国危哉。”楚人遂杀伍奢及尚。

十年，楚太子建母在居巢，开吴^⑥。吴使公子光伐楚，遂败陈、蔡，取太子建母而去。楚恐，城郢^⑦。初，吴之边邑卑梁与楚边邑钟离小童争桑，两家交怒相攻，灭卑梁人^⑧。卑梁大夫怒，发邑兵攻钟离。楚王闻之怒，发国兵灭卑梁。吴王闻之大怒，亦发兵，使公子光因建母家攻楚，遂灭钟离、居巢。楚乃恐而城郢。

十三年，平王卒。将军子常曰：“太子珍少，且其母乃前太子建所当娶也。”欲立令尹子西。子西，平王之庶弟也，有义。子西曰：“国有常法，更立则乱，言之则致诛。”乃立太子珍，是为昭王。

昭王元年，楚众不说费无忌，以其谗亡太子建，杀伍奢子父与郤宛^⑨。宛之宗姓伯氏子嚭及子胥皆奔吴，吴兵数侵楚，楚人怨无忌甚。楚令尹子常诛无忌以说众，众乃喜。

四年，吴三公子奔楚，楚封之以扞吴^⑩。五年，吴伐取楚之六、潜^⑪。七年，楚使子常伐吴，吴大败楚于豫章^⑫。

十年冬，吴王阖闾、伍子胥、伯嚭与唐、蔡俱伐楚，楚大败，吴兵遂入郢，辱平王之墓，以伍子胥故也。吴兵之来，楚使子常以兵迎之，夹汉水阵。吴伐败子常，子常亡奔郑。楚兵走，吴乘胜逐之，五战及郢。己卯，昭王出奔。庚辰，吴人入郢。

昭王亡也至云梦。云梦不知其王也，射伤王。王走郢^⑬。郢公之弟怀曰：“平王杀吾父，今我杀其子，不亦可乎？”郢公止之，然恐其弑昭王，乃与王出奔随。吴王闻昭王往，即进击随，谓随人曰：“周之子孙封于江汉之间者，楚尽灭之^⑭。”欲杀昭王。王从臣子綦乃深匿王，自以为王，谓随人曰：“以我予吴。”随人卜予吴，不吉，乃谢吴王曰：“昭王亡，不在随。”吴请入自索之，随不听，吴亦罢去。

昭王之出郢也，使申鲍胥请救于秦。秦以车五百乘救楚，楚亦收馀散兵，与秦击吴。十一年六月，败吴于稷^②。会吴王弟夫概见吴王兵伤败，乃亡归，自立为王。阖闾闻之，引兵去楚，归击夫概。夫概败，奔楚，楚封之堂谿^③，号为堂谿氏。

楚昭王灭唐。九月，归入郢。十二年，吴复伐楚，取番^④。楚恐，去郢，北徙都都^⑤。

十六年，孔子相鲁。二十年，楚灭顿，灭胡^⑥。二十一年，吴王阖闾伐越。越王句践射伤吴王，遂死。吴由此怨越而不西伐楚。

二十七年春，吴伐陈，楚昭王救之，军城父。十月，昭王病于军中，有赤云如鸟，夹日而蜚。昭王问周太史，太史曰：“是害于楚王，然可移于将相。”将相闻是言，乃请自以身祷于神^⑦。昭王曰：“将相，孤之股肱也，今移祸，庸去是身乎^⑧！”弗听。卜而河为祟，大夫请祷河^⑨。昭王曰：“自吾先王受封，望不过江、汉，而河非所获罪也。”止不许。孔子在陈，闻是言，曰：“楚昭王通大道矣。其不失国，宜哉！”

昭王病甚，乃召诸公子大夫曰：“孤不佞，再辱楚国之师^⑩，今乃得以天寿终，孤之幸也。”让其弟公子申为王，不可。又让次弟公子结，亦不可。乃又让次弟公子闾，五让，乃后许为王。将战，庚寅，昭王卒于军中。子闾曰：“王病甚，舍其子让群臣，臣所以许王，以广王意也^⑪。今君王卒，臣岂敢忘君王之意乎！”乃与子西、子綦谋，伏师闭途，迎越女之子章立之，是为惠王^⑫。然后罢兵归，葬昭王。

惠王二年，子西召故平王太子建之子胜于吴，以为巢大夫，号曰白公^⑬。白公好兵而下士，欲报仇。六年，白公请兵令尹子西伐郑。初，白公父建亡在郑，郑杀之，白公亡走吴，子西复召之，故以此怨郑，欲伐之。子西许而未为发兵。八年，晋伐郑，郑告急楚，楚使子西救郑，受赂而去。白公胜怒，乃遂与勇力死士石乞等袭杀令尹子西、子綦于朝，因劫惠王，置之高府，欲弑之^⑭。惠王从者屈固负王亡走昭王夫人宫。白公自立为王。月馀，会叶公来救楚^⑮，楚惠王之徒与共攻白公，杀之。惠王乃复位。是岁也，灭陈而县之。

十三年，吴王夫差强，陵齐、晋，来伐楚。十六年，越灭吴。四十



二年，楚灭蔡。四十四年，楚灭杞。与秦平。是时越已灭吴而不能正江、淮北；楚东侵，广地至泗上⁴⁶。

五十七年，惠王卒，子简王中立。

（以上为第八段，叙述楚与吴在南方的争夺。）

①获五率以归——前年，灵王命五帅围徐以恐吴，适值国内大乱，吴遂败楚。五率，即荡侯、潘子、司马督、鬻尹午、陵尹喜。②欲为卜尹，王许之——卜尹：掌握卜筮的官，相当于大夫的职位。③无適立——没有嫡子可立为太子。適：通“嫡”。乃望祭群神——望祭：也单称望，遥望而祭祀。使主社稷——《左传》云：“祈曰：请神择于五人者，使主社稷，当璧而拜者，神所立也。”阴与巴姬埋璧于室内——巴姬：共王宠妾。室内：指祖庙内。④康王跨之——两足各在璧一边。灵王肘加之——跪拜时手臂压在玉壁上。⑤压纽——压在璧把上。纽，璧把。⑥韩宣子——韩起，晋国的执政大臣。叔向——羊舌肸，晋国大夫，博学多识，是春秋时期著名政治家。⑦同恶相求，如市贾焉——服虔曰：“谓国人共恶灵王者，如市贾之人求利也。”⑧无与同好，谁与同恶——意即国内没有同党，一但有难，也没有人与他同患难。⑨晋楚之从不闻通者——从：指那些与子比交往的人。通者：通达之人。⑩无衅而动——服虔曰：“言灵王尚在，而妄动取国，故谓无谋。”衅：间隙，破绽，可乘之机。⑪为羈终世——杜预曰：“终身羈客在于晋，是无民。”⑫亡无爱征——杜预曰：“楚人无爱念者。”⑬王虐而不忌——中井积德曰：“以灵王之虐，而无所忌恶于子干，则其人不足畏也可知矣，非语灵王将亡。”⑭君陈蔡，方城外属焉——弃疾时为蔡公，控治陈蔡，方城以外都是他的势力范围。方城，在今河南南阳方城县有关口楚长城遗址，楚方城（长城）遗址在方城山西麓大关口两侧。⑮苛愿不作——烦扰邪恶的事没有发生。私欲不违——服虔曰：“不以私欲违民心。”⑯先神命之——祖先之神早已有命在先，指弃疾压纽事。⑰半姓有乱，必季实立，楚之常也——从楚国内乱的历史看，登上王位的总是最小的儿子。季：少子。⑱子比之官，则右尹也——右尹不如陈蔡公有势力。⑲齐桓、晋文不亦是乎——服虔曰：“皆庶子而出奔。”⑳六年——前523。使太子建居城父守边——城父：楚北境边邑，今河南平顶山市宝丰县李庄乡翟集村南有城父故城。㉑尚至，胥不至——尚：伍尚，时为棠君，楚大夫。胥：伍子胥，名员。伍奢次子，事迹详见《伍子胥列传》。㉒度能任事——估计能力承担责任。㉓太子建母在居巢，开吴——居巢：在今安徽巢县。开吴：引导吴国伐楚。㉔楚恐，城郢——加固郢都的城墙。郢，在今湖北江陵县北。㉕小童争桑——《左传》《吴世家》《伍子胥列传》均记为两国女